



Rabu, 13 Maret 2024

Ogen: Keluaren 18: 2-3



Nande Gersom ras Elieser



Labo kal mbue cataten kerna Sipora, ndehara Musa i bas Pustaka si Badia. Saja si tertulis, maka ia anak sekalak imam i Midian e me Jetro. Perjumpanna ras Musa, asum Musa kiam I Mesir nari ku taneh Midian. E maka ibereken Jetro sekalak anakna diberu, Sipora gelarna jadi ndehara Musa. I bas perjabunna ras Musa tubuh dua kalak anakna e me Gersom ras Elieser. Erti gelar anakna e erpalasken pengalamen hidup Musa. Gersom ertina kalak pertandang ras Elieser ertina Dibata penempat.

Sada si menarik si tercatat i bas Pustaka Si Badia maka anakna jadi penyelamat Musa. Tercatat i bas Keluaren 4: 24-25, maka ibunuh Dibata atena Musa maka minter ibuat Sipora sada batu sintelap, isunatkenna anakna, jenari ikuitna alu jukutna ndai nahe Musa, e maka Musa la surung ibunuh Tuhan. Erkiteken peraturen sunat e ikatakenna man Musa nina," Si tuhuna kam kap perbulengen dareh man bangku." Engkai maka ibunuh Tuhan atena Musa? Mbue si berpendapat maka Tuhan merawa man Musa erkiteken la ngikuti hukum Tuhan paksa si e, salah sadana sunat. I bas kejadiin 17: 9-14 isingetken Tuhan man Abraham maka i bas kerina kesusurena si dilaki arus isunatken i bas umur 8 wari janah adi lang maka ia arus isasapken i bas bangsana nari. I je teridah inisiatif Sipora guna nelamatkan perbulangenna. Sipora ngelakoken peraten Tuhan e me sunat aminna perbulangenna Musa la ngelakokensa.

Mbue kap i bas jabu kalak Kristen, nande me nggantiken peran bapa i bas ngepkep jabu terlebih i bas pertumbuhan kinittekenna. Labo dalih aminna nande entah Moria ndahikensa sabap kekelengen nande labo lit baleng-balengna nandangi anakna.